

Gvangjsih Minzcuz Bau

Cawjguenj: Gvangjsih Bouxcuengh Swcigh Minzcuz Cunghgyau Swvu Veijyenzei

Cawjbanh: Gvangjsih Minzcuz Bause

Geiz neix 8 banj

广西民族报

Aenhauhokbanj: CN45-0036

B.2023

Nd.3 Ng.15

Liggaeuq gveijmaux nienz ndwengeih ngeihseiq


Geizsoq: Gungh daih 3564 geiz

Gaiq Cibseiq Daengx Guek Yinzda Baez Hoih Daih' it Youq Baekging Hai Sat

Siz Ginbingz Fatbiuj Gangjvah Youqgaenj

十四届全国人大一次会议在京闭幕

习近平发表重要讲话



▲ 3 nyied 13 hauh, Gaiq Cibseiq Daengx Guek Yinzminz Daibyauj Daihhoih Baez Hoih Daih' it youq Bwzgingh Yinzminz Daveidangz hai sat. Cunghgung Cunghyangh cungsuhi, Gozgyah cujsiz, Cunghyangh Ginhvej cujsiz Siz Ginbingz fatbiuj gangjvah youqgaenj.

Sinhvazse gicej Yen Yen ingj

▲ 3 nyied 13 hauh, Gaiq Cibseiq Daengx Guek Yinzminz Daibyauj Daihhoih Baez Hoih Daih' it youq Bwzgingh Yinzminz Daveidangz hai sat. Siz Ginbingz daengj bouxlingjdaug dangj caeuq guekgua naengh cujsizdaiz.

Sinhvazse gicej Vangz Gingvwnz ingj

Sinhvazse Baekging 3 nyied 13 hauh dien
Cunghvaz Yinzminz Gunghozgoz Gaiq Cibseiq Daengx Guek Yinzminz Daibyauj Daihhoih Baez Hoih Daih' it, guh gak hangh yicwnz sat caezcup, senjok gyoengq boux gapbaenz gozgyah gihgou gaiq moq ndeindet le, 13 hauh banhaet youq Bwzgingh Yinzminz Daveidangz hai sat.

Daihhoih iuheuh, daengx guek gak cuz yinzminz aeu engqgya gaenjmaed doxgiet youq seiqhenz aen Dangcunghyangh aeu Siz Ginbingz dungzci guh goek, yaengx sang mbaw geiz hungmbwk yiengh sevei cuji miz gij daegsaek Cungguek, aeu Aen Swhsienj Sevei Cuji Miz Gij Daegsaek Cungguek Seizdaih Moq Siz Ginbingz daeuj dazyinx, cienzmienh gvancez gij cingsaenz Ngeihcib Daih Dangj raeuz, gagsaeng gag' ak, souj goek cauhmoq, caezhoz gyonjrenz, ngaem gyauej buekguh, vih cienzmienh hwnqguh aen guekgua sevei cuji yendaiva, cienzmienh doicaenh Cunghvaz Minzcuz fukhwng hungmbwk bae doxgiet buekguh!

Cunghgung Cunghyangh cungsuhi, Gozgyah cujsiz, Cunghyangh Ginhvej cujsiz Siz Ginbingz fatbiuj gangjvah youqgaenj. De naeuz, baez daihhoih neix senj gou caiq dang Cunghvaz Yinzminz Gunghozgoz cujsiz, gou caensim gyo'mbaiq gak bouxdaibyauj caeuq daengx guek yinzminz saeng gou. Yinzminz saeng gou, dwg gij rengznoengx ceiq hung hawj gou yamqdin baenaj, hix dwg diuz rap naekgywdgywd gyangq gwnz mbaq gou. Gou laemxsim dawz ndei diuz rap youz yenfaz gyauhawj, dawz guekgua aeuyungh guh sawjmingh, dawz gij leih'ik yinzminz guh sienqmaeg, guh faenh hong neix ndeindet bae, ok goengrenz gou liuxcaez bae, baenzbaenz mbouj cuengq diuz rapnaek yinzminz gyauhawj.

Baez hoih neix ginggvaq biujgiet, doenggvaq le aen gezyi Gaiq Cibseiq Daengx Guek Yinzda Baez Hoih Daih' it gvendaengz faenh baugau hong cwngfuj. Gezyi vixok, doiq seizdaih moq cib bi neix guek raeuz ginghei sevei hwngfat cix aeundaej yiengh cwngzciu hab geiq haeuj lizsij, miz ok gij

bengwz hab geiq haeuj lizsij, baez hoih neix bingzgyaq gig sang, doiq gij hong Gozvuyen bi gvaqbae neix caeuq haj bi gvaqbae neix guh, baez hoih neix cungfaen haengjdingh, doengzeiq gij cungjdaej iugouz, cujyau muzbyauh caeuq cwngeuz byaijiengq ginghei sevei fazcanj 2023 nienz youz baugau daezok de, gietdingh baecinj aen baugau neix.

Baez hoih neix ginggvaq biujgiet, doenggvaq le aen gietdingh gvendaengz coihgaj Fap Laebfap. Gietdingh daj 2023 nienz 3 nyied 15 hauh hainduj hengz. Guekgua cujsiz Siz Ginbingz ciem cujsizling hauh daihsam cix hawj goengbough.

Daihhoih cizhingz cujsiz, Gaiq Cibseiq Daengx Guek Yinzda Cangzeijvei veijyenzcangj Cau Lozci cujciz hoih sat caemhcai gangjvah.

Lij Gyangz, Vangz Huningz, Cai Giz, Dingh Seziengz, Lij Hih, Hanz Cwng daengj bouxlingjdaug dangj caeuq guekgua camgya hai hoih.

Lij Gwzgyangz, Liz Cansuh, Vangh Yangz, Vangz Gizsanh daengj naengh cujsizdaiz.